



**NOGOMETNI / FUDBALSKI SAVEZ
BOSNE I HERCEGOVINE**

**PROPOZICIJE
takmičenja Premijer futsal lige BIH U19
takmičarska sezona 2023/24.**

Septembar/Rujan 2023.

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj u Sarajevu, 08.09.2023.godine te i izmjenjeno i dopunjeno na sjednici Komiteta za hitnost NS/FS BiH održanoj 17.10.2023. u Sarajevu, d o n o s i

PROPozICIJE

o takmičenju Premijer futsal lige BiH U19 takmičarska sezona 2023/24

OPŠTE ODREDBE

Član 1.

Ovim Propozicijama utvrđuje se način rukovođenja i organizovanja Premijer futsal lige Bosne i Hercegovine U-19 za takmičarsku sezonu 2023/24.

UČESNICI TAKMIČENJA

Učesnici u takmičenju Premijer futsal lige BiH U-19 su:

1. Premijer Futsal liga BiH U 19 grupa Sjever:
KMF Brčko Zdravlje, FC Doboje, KMF Jahorina, KMF Radnik MD Shop, KMF Tango, GFC Sarajevo i FC Sloboda - Kompred
2. Premijer Futsal liga BiH U 19 grupa Jug:
FK Akademac, MNK Brotnjo, MNK Hercegovina, FC Mostar SG, MNK Seljak, MNK Sloga i Futsal klub Željezničar

Popuna Premijer Futsal lige BiH U19 vrši se sa ekipom koju prijavi NS Federacije BiH i FS Republike Srpske, a koje ispunjavaju uslove za takmičenje u Premijer Futsal ligi BiH U19.

Na kraju takmičarske sezone 2023/24. iz lige ispadaju po jedna poslednje plasirana ekipa iz grupe Sjever i grupe Jug.

Član 2.

Takmičenjem Premijer futsal lige BiH U-19, rukovodi Komitet za takmičenje NS/FS BiH, u saradnji sa Sektorom za takmičenje, suđenje i događaje NS/FS BiH.

Član 3.

Sve utakmice Premijer futsal lige BiH U19 igraju se u pravilu vikendom s početkom utakmice između 12:00 i 20:00 sati.

Član 4.

Takmičenje se odigrava u dva dijela:

Prvi dio:

Za ekipe podijeljene u dvije grupe po teritorijalnoj pripadnosti (Sjever i Jug) dvokružnim bod sistemom (7 + 7 = 14 kola) raspored utakmica određuje se žrijebom takmičarskih brojeva uz primjenu Bergerove tablice.

Drugi dio:

Po dvije prvoplasirane ekipe iz grupe Sjever i grupe Jug će odigrati završnicu prvenstva na završnom turniru u organizaciji NS/FS BiH.

Parovi utakmica drugog dijela takmičenja utvrđuju se shodno slijedećem rasporedu:

Utakmice polufinala:

- 1 (Prvi grupa Sjever) – 2 (Drugi grupa Jug)
- 1 (Prvi grupa Jug) – 2 (Drugi grupa Sjever)

Prvoplasirana ekipa iz grupe Sjever igraće u polufinalu sa drugoplasiranom ekipom iz grupe Jug, a prvoplasirana ekipa iz grupe Jug igraće u polufinalu sa drugoplasiranom ekipom iz grupe Sjever.

Pobjednici polufinalnih utakmica će učestvovati u finalu gdje će se odlučiti o prvaku U-19 Premijer futsal lige BiH.

U bilo kojoj pojedinačnoj utakmici polufinala i finala u slučaju neriješenog rezultata igraju se produžeci dva puta po pet minuta, a ukoliko i tada bude neriješen rezultat pobjednik se određuje izvođenjem kaznenih udaraca prema postupcima za dobivanje pobjednika utakmice ili doigravanja iz Pravila igre za Futsal.

ORGANIZACIJA TAKMIČENJA

Član 5.

Sve utakmice takmičenja za prvenstvo Premijer Futsal lige BiH U 19 igraju se prema Pravilima Futsal igre koje je utvrdio međunarodni BOARD.

Član 6.

Takmičenje Premijer futsal lige BiH U19 provodi se u prvom dijelu po dvostrukom bod sistemu, a u drugom dijelu završnica u kojoj učestvuju po dvije najbolje plasirane ekipe iz grupa Sjever i Jug, na završnom turniru koji se odigrava prema kalendaru takmičenja, koji na prijedlog Komiteta za takmičenje NS/FS BiH, usvaja Izvršni odbor NS/FS BiH.

Komitet za takmičenje NS/FS BiH određuje domaćina završnice turnira.

Raspored odigravanja prvenstvenih utakmica vrši se žrijebom kojim rukovodi Komitet za takmičenje NS/FS BiH, najkasnije petnaest dana prije određenog datuma za početak takmičenja.

Žrijebanje vrši Komitet za takmičenje NS/FS BiH po Bergerovim tablicama, abecednim redom imena klubova.

Klub koji ne bude imao predstavnika na žrijebanju parova će snositi disciplinsku odgovornost.

Utvrđeni raspored takmičenja, odnosno promjena termina ili mjesta odigravanja utakmice, može se vršiti u skladu sa članom 16. Pravilnika o nogometnim/fudbalskim takmičenjima BiH.

ORGANIZACIJA UTAKMICE

Član 7.

Klub domaćin je obavezan poduzeti sve potrebne mjere za sigurnost sudija, delegata i gostujućih ekipa, po dolasku, za vrijeme odigravanja utakmice i sve do napuštanja dvorane i mjesta odgovarajućim prevoznim sredstvom. Prisustvo policije je obavezno 60 minuta prije početka turnira, pa sve do napuštanja svih aktera sa mjesta takmičenja. Klub organizator je obavezan osigurati prisustvo policije, ljekara, kao i vozilo za hitnu medicinsku pomoć ovlaštene ustanove (doma zdravlja, hitne pomoći i sl.)

Ukoliko delegat utvrdi da je klub organizator turnira preduzeo sve potrebne radnje, kako bi se izvršila obaveza iz stava 5. ovog člana, prisustvo policije, ljekara i vozila hitne pomoći, a isti ne budu na raspolaganju do početka utakmica na turniru, iste neće započeti sve dok se ne osiguraju zadani uslovi.

Klub domaćin obavezan je obezbjediti redarsku službu sa dovoljnim brojem redara, nosila i osobe za iznošenje povrijeđenih igrača izvan terena za igru. Klub domaćin je obavezan obezbjediti mjerioca vremena i najmanje jednu osobu za čišćenje terena.

Dva poslednja prvenstvena kola prvog dijela Premijer futsal lige BiH U19, igraju se istog dana i u isto vrijeme.

Član 8.

Sve utakmice Premijer Futsal lige U- 19 BiH igraju se obavezno u dvorani koja je licencirana/primljena od strane nadležne komisije NS/FS BiH

Član 9.

Za odigravanja utakmica U-19 Premijer futsal lige BiH, domaćin turnira obavezan je obezbjediti tri (3) ispravne lopte. Karakteristike lopti moraju biti prema Pravilu 2. Pravila futsal igre.

Član 10.

Za vrijeme odigravanja utakmica u tehničkom prostoru ekipe na klupi se mogu nalaziti slijedeće službene osobe:

- predstavnik licenciran od strane NS/FS BiH,
- trener licenciran od strane NS/FS BiH,
- pomoćni trener licenciran od strane NS/FS BiH,
- ljekar licenciran od strane NS/FS BiH,
- fizioterapeut licenciran od strane NS/FS BiH,
- zamjenski igrači (najmanje 3, najviše 9) (obučeni u sportsku opremu sa markerima koje daju igraču kojeg mijenjaju u igri).

Uz ogradu između klupa za zamjenske igrače, a izvan terena za igru mogu se još nalaziti:

- zapisnički sto sa akreditovanim mjeriocem vremena
- 2 osobe za nosila (sa markerima)
- ljekar i vozač kola za hitnu pomoć, fotoreporteri i snimatelji s odgovarajućim oznakama, potreban broj redara i zaštitara vidljivo obilježenih
- osoba za čišćenje terena za igru
- ukoliko je potrebno dodavači lopte obučeni u opremi različite boje od svih učesnika.

Svaki klub mora odrediti službenu osobu koja će ga predstavljati na utakmici.

Sva službena lica klubova moraju imati validne licence evidentirane u Comet sistemu (treneri, predstavnik kluba, doktor i fizioterapeut). Po završenom procesu licenciranja, službena lica klubova moraju biti registrovana u Comet-u od strane Odjela za ligaška takmičenja/natjecanja, odnosno Centra za edukaciju kada su u pitanju treneri.

Identitet osoba iz zapisnika utvrđuje se na osnovu fotografije iz Comet-a.

Takmičenje se administrativno vodi kroz COMET informacijski sistem. Klub domaćin turnira obavezan je da delegatu utakmice stavi na raspolaganje računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici.

Sve osobe, igrači i službena lica, sa dostavljenog propisanog obrasca za utakmicu, moraju biti licencirane od strane NS/FS BiH i registrovana u Comet-u. Obrazac mora biti ovjeren i potpisan od zvaničnog predstavnika kluba.

Klubovi koji nemaju 8 (osam) igrača u zapisniku sa utakmice snosiće disciplinske sankcije. U slučaju da sistem Comet nije u funkciji, vođenje zapisnika sa utakmice se radi ručno, na za to propisanom obrascu, a naknadno će delegat u sistemu Comet napraviti zapisnik. Ručni zapisnik piše se u četiri primjerka i potpisuju ga delegat, sudija i predstavnici klubova.

Osobe sa spiska prijavljenih lica koje nisu registrovane u Comet-u, za funkciju koju obavljaju na utakmici, i/ili im validna licenca nije unešena u Comet, ne mogu se nalaziti u tehničkom prostoru, osim zamjenskih igrača za koje važe odredbe člana 15. Propozicija takmičenja.

Ukoliko klub u zapisniku uz obavezno prisustvo na utakmici nema službenog predstavnika i trenera, isti podliježe disciplinskim sankcijama.

Samo jedna osoba može stajati u tehničkom prostoru davati upute igračima za vrijeme igre. Kretanje trenera ili jedne od službenih osoba dozvoljeno je samo unutar označenog tehničkog prostora označenog linijama, shodno Pravilu 1. Pravila futsal igre. Igrači se mogu zagrijavati u prostoru za zagrijavanje koji određuje sudija utakmice a prema Pravilu 3. Pravila Futsal igre. Prilikom jednogminutnog odmora dopušteno je igračima koji su u tom trenutku igrali sjesti na klupu za zamjenske igrače uz službene osobe dok svi zamjenski igrači moraju ostati unutar tehničkog prostora.

Član 11.

Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti klupske, entitetske zastave, zastave županija/kantona, zastava fair play.

Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije po članu 56. Disciplinskog pravilnika NS/FS BiH.

Promocija ili objava, na bilo koji način političkih poruka ili bilo kojih drugih političkih djelovanja unutar ili u neposrednoj blizini dvorane strogo je zabranjena uoči, tokom ili nakon završetka utakmice.

Klub domaćin obavezan je postupiti u skladu s odredbama ovog člana, jer se u protivnom utakmica neće odigrati, a isti će snositi sve posljedice neodigravanja utakmice.

Član 12.

Klub domaćin obavezan je neovisnoj snimateljskoj kompaniji, koju ovlasti NS/FS BiH, omogućiti adekvatne uvjete za snimanje utakmice. Također, TV kompaniji koja vrši direktni prijenos utakmice, klub domaćin je dužan osigurati punu sigurnost za opremu i zaposlene, za vrijeme i nakon završetka utakmice, u objektu stadiona.

Član 13.

Dvorana mora imati moderan semafor da pruži gledaocima, igračima i službenim osobama tačne informacije koje se odnose na:

- imena obje ekipe,
- preostalog vremena u bilo kojem period igre, odbrojavanje u minutama, sekundama i desetinkama sekunde od 20.00.0 do 0.00.0,
- preostalo vrijeme kazne koje se izdržava, zbog isključenja igrača ili dva igrača iz obje ekipe, odbrojava 02.00-0.00.0,
- rezultat,
- time-outa, odbrojava 01.00.0 - 0.00.0,
- akumulirane prekršaje.

U slučaju ne ispravnosti semafora u dvorani klub domaćin je dužan obezbjediti stolni elektronski pokretni semafor ili stolni ručni semafor (npr odbojka, stolni tenis...itd), i ručnu štopericu.

Klub domaćin je obavezan u dvorani obezbjediti oficijelni razglas za najavu sastava ekipa, igrača koji su postigli pogotke, saopštenja u vezi sa organizacijom utakmica i sl. Nije dozvoljeno u dvorani koristiti dupli razglas i puštanje neprimjerene muzike.

ORGANIZACIONI SASTANAK

Član 14.

Klub domaćin dužan je osigurati prostoriju za radni sastanak – brifing, službenih osoba i predstavnika klubova, koji će se održati prije početka turnira, pod rukovodstvom delegata na utakmici, a kojem obavezno prisustvuju:

- delegat
- sudije utakmice
- mjerilac vremena,
- službeni predstavnici klubova
- rukovoditelj osiguranja kluba domaćina
- predstavnik MUP-a

PRAVO NASTUPA IGRAČA

Član 15.

Na prvenstvenim utakmicama mogu nastupiti svi pravilno registrovani igrači rođeni na dan 01.01.2005. godine i mlađi, ali ne mlađi od 16. godina.

Izuzetno, mogu nastupiti i igrači koji su godinu dana mlađi od naznačenih ukoliko su na osnovu specijalnog ljekarskog pregleda proglašeni sposobnim za nastup, koji nadležni registracioni savez unosi u Comet, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog.

Rok trajanja ljekarskog pregleda je u skladu sa članom 56. Pravilnika o nogometnim/fudbalskim takmičenjima BiH.

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri opomene. Obaveza klubova je da su dužni voditi evidenciju javnih opomena, shodno članu 19. Disciplinskog pravilnika NS/FS BiH.

Klub Premijer futsal lige BIH U19 mora za utakmicu prijaviti minimalno 8 (osam) prisutnih, registrovanih igrača za nastup u sportskoj opremi, koji se upisuju u zapisnik sa utakmice.

Ekipa koja nema minimalno 8 (osam) igrača u zapisniku snosiće disciplinske sankcije. Utakmica ne može započeti sa manje od pet (5) igrača. Minimalan broj igrača jedne od ekipa na terenu za igru su 3 (tri) igrača da bi se utakmica završila.

Svaki klub u takmičenju Premijer Futsal lige BIH U19 obavezan je utakmicu igrati sa svojom najboljom ekipom.

IDENTITET IGRAČA

Član 16.

Na prvenstvenim utakmicama mogu nastupiti samo igrači čiji je identitet utvrđen putem fotografije iz Comet sistema, a u slučaju da Comet nije u funkciji, identitet će se utvrditi na osnovu javne isprave: lične karte ili pasoša, odnosno štampane ID Comet kartice. Igraču sa neadekvatnom pohranjenom fotografijom u Cometu (kada je nemoguće utvrditi identitet), delegate utakmice neće dozvoliti nastup na utakmici. Identitet se u pravilu utvrđuje prije početka utakmice.

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

LJEKARSKI PREGLED I ČLANARINA

Član 17.

Svaki igrač koji nastupa u takmičenju mora u Comet-u imati unesen period važenja ljekarskog pregleda i period za koji je uplaćena članarina.

Dokaze o izvršenom ljekarskom pregledu igrača, klubovi su dužni dostaviti u registracioni savez koji će iste unijeti u dokumenta kluba.

Član 18.

Na svim utakmicama može biti prijavljeno do devet (9) zamjenskih igrača prema Pravilima futsal igre, shodno Pravilu 3. (broj zamjena igrača u igri nije ograničen). Igrač registrovan za veliki nogomet/fudbal u jednom danu može nastupiti na dvije utakmice, i to isključivo na dvije utakmice futsala (u skladu sa ovim Propozicijama) ili na jednoj utakmici futsala i jednoj utakmici velikog nogometa/fudbala.

OPREMA EKIPA

Član 19.

Ako je sportska oprema identične boje, domaćin prvoimenovani klub će promijeniti dresove u različitu boju od protivnika.

Vratar mora nositi dres ili majicu koji se vidno bojom razlikuje od dresova njegovih suigrača, igrača protivničke ekipe i sudija. Igrač leteći vratar je obavezan imati isti dres kao vratar utakmice, ali sa svojim brojem upisanim u zapisniku sa utakmice.

Brojevi na dresovima moraju odgovarati onima na popisu igrača u Zapisniku sa utakmice, prema Pravilu 4. (oprema igrača) Pravila Futsal igre. Klubovi su obavezni osigurati markere različitih boja od sportske opreme za zamjenske igrače, koje uručuju igraču koji izlazi iz igre prilikom zamjene. Ako gostujući klub nema markere, domaćin će mu posuditi. Klub domaćin obavezan je za foto - reportere obezbjediti vidljive oznake koje su oni obavezni nositi za vrijeme utakmice, ali različite boje u odnosu na markere ekipa.

DELEGAT NA UTAKMICI

Član 20.

Delegata na utakmici određuje Komitet za takmičenje NS/FS BiH sa liste delegata koja je utvrđena za Premijer futsal ligu BiH za takmičarsku sezonu 2023/24 godinu. Delegat mora doći u dvoranu šezdeset (60) minuta prije početka utakmice.

Delegat na utakmici zastupa rukovodstvo takmičenja, kontrolira ispravnost nastupa igrača, organizuje utakmicu u svim njenim segmentima, dostavlja izvještaj o utakmici i ima vrhovni nadzor nad utakmicom. Delegat na utakmici svoju dužnost dužan je obavljati u skladu sa Uputstvom o vršenju dužnosti delegata na utakmicama Premijer futsal lige BiH.

Delegat utakmice je obavezan zapisnik voditi putem Comet-a, isti spraviti sa sudijom, koji će izvještaj u Comet-u zaključiti sa svojom šifrom. Delegat je svoj izvještaj putem Comet-a dužan sačiniti i zaključiti 24 sata poslije utakmice, a spisak igrača pohraniti u dokumenta delegatskog izvještaja u Comet – u, a originale čuvati do kraja takmičarske sezone. U slučaju da na utakmicu ne dođe određeni delegat, dužnost delegata će obaviti prvi sudija.

Član 21.

Za svaku prvenstvenu utakmicu obavezno se sačinjava zapisnik o odigranoj utakmici putem Comet sistema, a klub domaćin obavezan je delegatu utakmice staviti na raspolaganje printer i računar sa internet konekcijom. Ukoliko nema mogućnosti da se zapisnik sačini putem Comet-a, isti je potrebno uraditi ručno, a potpisuju ga delegat, sudija i službeni predstavnici ekipa. Delegat je dužan na sve delegirane utakmice doći u odijelu sa košuljom.

SUDIJE / SUCI

Član 22.

Komitet za sudije i suđenje NS/FS BiH određuje sudije za utakmice sa liste sudija Premijer Futsal lige BiH. Utakmicu sude prvi i drugi sudija. Na dvije bočne strane terena po jedan.

Sudije su dužni doći u dvoranu 60 minuta prije vremena predviđenog za početak utakmice, pregledati teren za igru prema članu 1. i 2. Pravila Futsal igre. Ako sudije ustanove da je teren nepodoban za igru i da se utakmica ne može igrati, dužni su svoju odluku saopštiti delegatu na utakmici koji će o tome sačiniti izvještaj i obavijestiti Komitet za takmičenje NS/FS BiH. Sudije su dužne na sve delegirane utakmice doći u sportskoj opremi NS/FS BiH.

Član 23.

Sudija utakmice obavezan je sa delegatom pregledati i usaglasiti zapisnik sa utakmice i zaključiti ga svojom šifrom u sistemu Comet. Sudije utakmice dužne su za sve učinjene prekršaje od strane igrača, službenih lica i drugih sportskih radnika ili pojedinca koji svojim djelovanjem čine disciplinski prestup prije, u toku i po završetku utakmice, podnijeti prijavu koja će putem delegatskog izvještaja protiv učinioca prekršaja biti podnesena Disciplinskoj komisiji NS/FS BiH.

ŽALBA

Član 24.

Žalbe na utakmicu podnose se Komitetu za takmičenje NS/FS BiH koji ih rješava u prvom stepenu.

Žalbe po svim osnovama moraju se najaviti e-mailom, telegramom ili faksom najaviti u roku od 24 sata od dana odigravanja utakmice. Obrazloženje žalbe mora se dostaviti, putem e maila ili pošte ili telefaksa sa dokazom o uplaćenju taksi u roku od 48 sati od dana odigravanja utakmice.

Ukoliko rok za žalbu ističe u nedjelju ili na državni praznik on se produžava na prvi slijedeći radni dan. Odluke o podnijetim žalbama na utakmice donose se najkasnije u roku od četrnaest (14) dana od dana prijema žalbe, odnosno pet (5) dana ukoliko se radi o žalbi na utakmicu odigranu u posljednja dva kola prvenstva.

Član 25.

Nenajavljene, neblagovremene ili nedovoljno taksirane žalbe neće biti uzete u postupak, već će biti odbačene, a utakmica će biti registrovana postignutim rezultatom. Pri ocjeni pravovremenosti žalbe uzima se u obzir datum e-maila, poštanskom žigu preporučene pisma ili telegrama, datum na faksu potvrđuje o žalbi odaslanoj telefaksom ili datum na novčanoj uplatnici.

Član 26.

Žalbe na odluke Komiteta za takmičenje podnose se Apelacionoj komisiji NS/FS BiH u roku od osam (8) dana od prijema pismene odluke.

Žalbe na odluke Disciplinskog komisije podnose se Apelacionoj komisiji u roku od osam (8) dana od prijema pismene odluke.

Protiv odluke Apelacione komisije ne može se uložiti žalba.

REGISTRACIJA UTAKMICE

Član 27.

Ako na utakmicu nije uložena žalba, a ne postoje razlozi za registraciju utakmice po službenoj dužnosti sa 3:0 (par forfe), utakmica će se registrovati postignutim rezultatom. Odigrane utakmice registruje Komitet za takmičenje NS/FS BiH na svojoj narednoj sjednici.

Izuzetno Komitet za takmičenje NS/FS BiH registraciju odigranih utakmica može izvršiti putem e-maila, telefona ili faksa. Jednom registrovana utakmica ne može biti poništena od strane Komiteta za takmičenje NS/FS BiH, ako je odluka postala pravosnažna ili je u drugom stepenu donijeta odluka koja je konačna, osim u postupku predviđenom Pravilnikom o nogometnim/fudbalskim takmičenjima.

Član 28.

Klubovi učesnici takmičenja obavezuju se poštovati odredbe Propozicija takmičenja za Premijer Futsal ligu BiH U-19, Odluke IO NS/FS BiH i Odluke organa takmičenja i načela Fair Play-a.

NAGRADE

Član 29.

Prvoplasiranom klubu prvenstva U-19 Premijer Futsal lige BiH se dodjeljuje pehar u trajno vlasništvo i 20 zlatnih medalja, dok se drugoplasiranoj ekipi dodjeljuje 20 srebrnih medalja.

Član 30.

Propozicije stupaju na snagu danom donošenja, a primjenjuju se za takmičarsku sezonu 2023/24.

PREDSJEDNIK
Vico Zeljković



NOGOMETNI/FUDBALSKI SAVEZ BIH

Izvršni odbor Nogometnog/Fudbalskog saveza Bosne i Hercegovine, na osnovu člana 35. Statuta Nogometnog/Fudbalskog saveza BiH, na prijedlog Komiteta za takmičenje NS/FS BiH, na sjednici održanoj u Sarajevu, dana 08.09.2023. godine, d o n o s i

ODLUKU

o Kalendaru takmičenja Premijer Futsal lige BiH U19 sezona 2023/24

JESENJI DIO

Oktobar/ Listopad	21/22.10.2023.	1.kolo Premijer futsal lige BiH	
	28/29.10.2023.	2.kolo Premijer futsal lige BiH	
Novembar/ Studen	04/05.11.2023.	3.kolo Premijer futsal lige BiH	
	11/12.11.2023.	4.kolo Premijer futsal lige BiH	
	18/19..11.2023.	5. kolo Premijer futsal lige BiH	
	25/26.11.2023.	6. kolo Premijer futsal lige BiH	
Decembar/ Prosinac	02/03.12.2023.	7. kolo Premijer futsal lige BiH	

PROLJETNI DIO

Januar/ Siječanj	29.01.-11.02.2024.	FIFA TERMIN FUTSAL	
Februar/ Veljača	24/25.02.2024.	8. kolo Premijer futsal lige BiH U19	

Mart/Ožujak	02/03.03.2024.	9. kolo Premijer futsal lige BIH U19	18:00
	09/10.03.2024.	10. kolo Premijer futsal lige BIH U19	
	16/17.03.2024.	11. kolo Premijer futsal lige BIH U19	
	23/24.03.2024.	12. kolo Premijer futsal lige BIH U19	
	30.03.2024.	13. kolo Premijer futsal lige BIH U19	

April/Travanj	06.04.2024.	14. kolo Premijer futsal lige BIH U19	18:00
	08. - 17.04.2024.	FIFA TERMIN FUTSAL	
	20/21.04.2024.	Završnica Premijer futsal lige BIH U19	

P R E D S J E D N I K

Vico Zeljković